



幽憂子集題詞

及三十八年十一月  
望世燭于安  
法書大

古今文士奇窮未有如盧昇之  
之甚者夫其仕宦不達則亦已  
耳沉疴永痼無復聊賴至自投  
魚腹中古來膏肓無此死法也  
昇之方始寢瘵自以僊方為必



可期嘗遇異人授以大丹會遭  
父喪躄踴號慟丹輒吐出而疾  
轉增倫常之際天性之篤有足  
憐者母老身廢仰給交知如鄰  
舍隙光詎易長燃竊謂天地大  
矣無所不有或儂景爭暉或埋

烟剜骨或百靈供其驅遣或四  
大無以自容脆漏偶遭勢必任  
受無處訴屈安得以揔足笑跛  
譏彼蹒跚自貽坑塹哉早歲秩  
滿棲遲山水間比疾篤買園繞  
水舍下又豫為墓依稀達人之

風若夫馴鳶病梨之賦五悲釋  
疾之文筆端尚存曷禁翰寫乃  
持議者訝其不能義命自安亦  
太甚矣因梓昇之集而詳揭之

石戶主人張燮題



幽憂子集七卷

張燮識

盧照鄰本傳存二十卷近代永嘉單行詩賦  
僅二卷今彙詩文共七卷

參訂諸名公姓氏

姚江施邦曜爾韜

梁谿曹荃元宰定

會稽曹惟才無奇

甬東楊德周南仲較

三山徐焞興公

曹學佺能始

閩漳王志道而弘

盧化鰲爾騰

黃道周幼玄

魏呈潤中嚴

溫陵池顯方直夫

弟張紹科煙叔閱

幽憂子集目錄

卷之一

賦

秋霖賦

馴鴛賦

窮魚賦 并序

雙槿樹賦

并序  
同崔少監作

病梨樹賦

五言古詩

詠史四首

結客少年場行

贈李榮道士

早度分水嶺

三月曲水宴得樽字

王勃和詩得煙字附

奉使益州至長安發鍾陽驛

和王奭秋夜有所思

望宅中樹有所思

宿晉安寺

于時春也慨然有江湖之思寄此贈柳

九隴

至望喜矚目言懷貽劍外知己

赤谷安禪師塔

贈益府裴錄事

贈益府群官

卷之二

七言古詩

失羣鴈

并序

行路難

長安古意

明月引

懷仙引

五言律

劉生

隴頭水

巫山高

芳樹

雨雪曲

昭君怨

折楊柳

梅花落

關山月

上之圃

紫騮馬

戰城南

十五夜觀燈

入秦川界

文翁講堂

相如琴臺

石鏡寺

辛法司宅觀妓

春晚山莊率題二首

江中望月

元日述懷

益州城西張超亭觀妓

還京贈別

至陳倉曉晴望京邑

晚渡滹沱敬贈魏大

和吳侍御被使燕然

七夕泛舟二首

送梓州高參軍還京

大劍送別劉右史

卷之三

五言排律

同臨津紀明府孤鴈

西使兼送孟學士南遊

送鄭司倉入蜀

綿州官池贈別同賦濟字

還赴蜀中貽示京邑遊好

初夏日幽莊

山莊休沐

山林休日田家

宴梓州南亭得池字

山行寄劉李二參軍

首春貽京邑文士

贈許左丞從駕萬年宮

晚渡渭橋寄示京邑遊好

羈臥山中



酬張少府東之

過東山谷口

送幽州陳叅軍赴任寄呈鄉曲父老

哭金部常郎中

哭明堂裴簿

同崔錄事哭鄭員外

五言絕句

登玉清

浴浪鳥

曲池荷

臨塔竹

含風蟬

葭川獨泛

送二兄入蜀

宿玄武二首

九隴津集

遊昌化山精舍

七言絕句

登封大酺歌四首

九月九日登玄武山旅眺

王勃九月九日登玄武山附

邵大震九月九日登玄武山附

樂歌

中和樂九章

登封第一

明堂第二

東軍第三

南郊第四

中宮第五

儲宮第六

諸王第七

公卿第八

總歌第九

卷之四

騷

五悲  
并序

獄中學騷體

卷之五

騷

釋疾  
并序

卷之六

序

駙馬都尉喬君集序

南陽公集序

樂府雜詩序

目錄  
五  
方正

卷之六  
卷之五  
卷之四  
卷之三  
卷之二  
卷之一  
八十三

宴梓州南亭詩序

宴鳳泉石翁神祠詩序

七日綿州泛舟詩序

楊明府過訪詩序

對問

對蜀父老問

卷之七

書

與在朝諸賢書

與洛陽名流朝士乞藥直書

寄裴舍人諸公遺衣藥直書

讚

相樂夫人檀龕讚

益州長史胡樹禮為亾女造畫讚

碑

益州至真觀主黎君碑

附錄

盧照隣小傳

晉劉 昫

盧照隣小傳

宋宋 祁

豔情代郭氏答盧照隣

唐駱賓王

遺事

集評

五五五五五五五五

此豔情代郭氏答盧照隣... 唐駱賓王... 豔情代郭氏答盧照隣... 唐駱賓王... 豔情代郭氏答盧照隣... 唐駱賓王...

幽憂子集卷之一

唐范陽盧照隣昇之著

明閩漳張 燮紹和纂

賦

秋霖賦

覽萬物兮竊獨悲此秋霖風橫天而瑟瑟雲覆海而沈沈居人對之憂不解行客見之思已深若乃千井埋煙百屢涵潦青苔被壁綠萍生道於時巷無人跡林無鳥聲野陰霾而因晦山幽

暖而不明長塗未半茫茫漫漫莫不埋輪據鞍  
銜悽茹歎借如尼父去魯圍陳畏匡將饑不爨  
欲濟無梁問長沮與桀溺逢漢陰與楚狂長櫛  
風而沐雨永棲棲以遑遑及夫屈平旣放登高  
一望湛湛江水悠悠千里泣故國之長楸見玄  
雲之四起嗟乎子卿北海伏波南川金河別鴈  
銅柱辭鳶關山天骨霜木凋年眺窮陰兮斷地  
看積水兮連天別有東國儒生西都才客屋浦  
鉛槧家虛儋石茅棟淋淋蓬門寂寂蕪碧草於  
園徑聚綠塵於庖甕玉爲粒兮桂爲薪堂有琴  
兮室無人抗高情以出俗馳精義以入神論有  
能鳴之鴈書成已泣之麟覩皇天之滂溢孰不  
隅坐而含嘔已矣哉若夫繡轂銀鞍金杯玉盤  
坐臥珠璧左右羅紈流酒爲海積肉爲巒視襄  
陵而興昏墊曾不輟乎此歡豈知乎堯禹之臞  
瘠而孔墨之艱難

馴鳶賦

孕天然之靈質稟大塊之奇工嘴距足以自衛  
毛羽足以凌風懷九圍之遠志託萬里之長空  
陰雲低而含紫陽景升而帶紅經過巫峽之下  
惆悵彭門之東旣而摧頽短翮寥落長想忌蒙  
莊之見欺哀武溪之莫徃進謝扶搖之力退慙  
歸昌之響腐食多懼層巢無像屈猛性以自馴  
抱愁容而就養於是俯眺德門言栖仁路不踐  
高粱之屋翔止吾人之樹聽鳴雞於月曉侶羣

鵲於星暮狎蘭砌之高低翫荆扉之新故循廣  
庭之一息歷長簷而逕度若乃風去雨還河移  
月落徘徊亂於雙燕鳴舞均乎獨鶴乍嘯聚於  
霞莊時追飛於雲閣荷大德之純粹將輕姿之  
陋薄思一報之無階欣百齡之有託

窮魚賦

并序

余曾有橫事被拘爲群小所使將致之深議友  
人救護得免竊感趙壹窮鳥之事遂作窮魚賦  
常思報德故冠之篇首云

有一巨鱗東海波臣洗靜月浦涵丹錦津映紅  
蓮而得性戲碧浪以全身宕而失水屈于陽瀕  
漁者觀焉乃具竿索集朋黨鳧趨雀躍風馳電  
往競下任公之釣爭陳豫且之網螻蟻見而其  
心獫獮聞而抵掌於是長舌利嘴曳綸爭鈎拖

鬢挫鬣撫背扼喉動搖不可騰躍無繇有懷織  
潤寧望洪流大鵬過而哀之曰昔予爲鯢也與  
爾遊乎自余羽化之後子其遺孤俄撫翼而下  
負之而趨南浮七澤東汎五湖是魚也已相忘  
於江海而漁者猶悵望於泥塗

雙槿樹賦

并序  
同崔少監作

日昨於著作局見諸著作競寫雙槿樹賦蓬萊  
山上卽對神仙芸香閣前仍觀祕寶金懸秦市  
楊子見而無言紙貴洛城陸生聞而罷笑故知  
柔條朽榦吹噓變其死生落葉凋花剪拂成其  
光價方且傳石渠之故事得槿樹之新名足以  
脂粉仙臺丹青祕府者也若布衣藜杖巖栖藿  
食居周室而非史處漢代而無田學涉蕪淺文  
多瞽漏宜其屏竄用其靜默蓋窮而思達人之



情也卑而應高物之理也故疾雷作而蟄蟲飛  
浮雲興而石鳥潤不可廢也雖云聖朝多士而  
公實居之草澤有人亦國家之美事故復獎刷  
芻鄙作雙槿樹賦詞義猥薄退增慙覩賦曰  
方丈蓬萊邈矣悠哉芸扃石室圖天揆日若乃  
羲和掌日太史觀星銅渾玉策寶笥金銘地則  
圖書之府人則神仙之靈中有芳薜鬱鬱亭亭  
徒觀其兩砌分植雙階並耀葉鏤五衢榮回四  
照紛廣庭之霏靡隱重廊之窈窕青陸至而鶯

啼朱陽升而花笑紫蒂紅蕤玉蕊蒼枝露華的  
皦風色徘徊采粲照灼婀娜畏綏迫而祝之鳴  
環動珮歌扇開遠而望之連珠合璧星漢廻狀  
仙人之羽蓋疑佚女之瑤臺寂寞攸利栖閑此  
地委命卷舒隨時榮悴外無嬰天之禍內有遁  
遙之致朝朝暮暮落復開歲歲年年紅似翠若  
夫遊蜂戲蝶封其萼輕煙弱霧絡其條去不謂  
之損來不謂之饒故能出君子之殊俗入詩人  
之舊謠齊顯昧於兩曜效生死於一朝同喪我

之非我固雖凋而不凋則有亭伯儒門令思詩  
友翰苑擴其吞憂文鋒高而照斗詠蕪滋之朝  
夕悲積薪之先後縹繡起于緹紡煙霞生於灌  
莽豈與巖幽弱蓀澗底枯松徒冒霜而停雪空  
集鳳而吟龍詎得奉仙闈之廣價連筆匠之爲  
容已矣哉東方生聞而嘆曰故年花落不留人  
今年花發非故春倏兮夕隕忽兮朝新侏儒何  
功兮短飽曼倩何負兮長貧聊寄詞於庭樹倘  
有感於平津

病梨樹賦

并序

癸酉之歲余卧病於長安光德坊之官舍父老  
云是鄱陽公主之邑司昔公主未嫁而卒故其  
邑廢時有處士孫君思邈居之君道洽今古學  
有數術高談正一則古之蒙莊子深入不二則  
今之維摩詰及其推步甲子度量乾坤飛鍊石  
之竒洗胃腸之妙則其其公洛下閎安期先生  
扁鵲之儔也自云開皇辛酉歲生今年九十二  
矣詢之鄉里咸云數百歲人矣共語周齊間事

歷歷眼見以此參之不啻百歲人也然猶視聽  
不衰神形甚茂可謂聰明博達不死者矣余年  
垂強仕則有幽憂之疾椿困之性何其遼哉于  
時天子避暑甘泉邈亦徵詣行在余獨病臥茲  
邑閭寂無人伏枕十旬閉門三月庭無衆木唯  
有病梨樹一株圍纔數握高僅盈丈花實憔悴  
似不任乎歲寒枝葉零丁絕有意乎朝暮嗟乎  
同託根於膏壤俱稟氣於太和而脩短不均榮  
枯殊貫豈賦命之理得之自然將資生之化有

所偏及樹猶如此人何以堪有感於懷賦之云  
耳

天象平運方祇廣植挺芳桂於月輪橫扶桑於  
日域建木聳靈丘之上蟠奩生巨海之側細葉  
枝連洪柯條直齊天地之一指任烏兔之棲息  
或垂陰萬畝或結子千年何偏施之雨露何獨  
厚之風煙愍茲珍木離離幽獨飛茂實于河陽  
傳芳名於金谷紫澗稱其殊旨玄光表其仙族  
爾生何爲零丁若斯無輪楫之可用無棟梁之

可施進無違於斤斧退無競於班倕無庭槐之  
生意有巖桐之死枝爾其高纒數仞圍僅盈尺  
脩榦罕雙枯條每隻葉病多紫花凋少白夕鳥  
怨其巢危秋蟬悲其翳窄怯衡飈之播落忌炎  
景之臨迫旣而地歇蒸霧天收耀靈西秦明月  
東井流星憔悴孤影徘徊直形狀金莖之的的  
疑石柱之亭亭若夫西海夸父之林南海蚩尤  
之樹莫不摩霄拂日藏雲吐霧別有橋邊朽柱  
天上靈槎年年歲歲無葉無花榮辱兩齊吉凶  
同軌寧守雌以外喪不修禠而內否亦猶縱酒  
高賢佯狂君子爲其脗合置其憂喜生非我生  
物謂之生死非我死谷神不死混彭殤于一觀  
庶筌蹄於茲理

五言古詩

詠史四首

季生昔未達，身辱功不成。  
髡鉗爲臺隸，灌園變姓名。  
幸逢滕將軍，兼遇曹丘生。  
漢祖廣招納，一朝拜公卿。  
百金孰云重，一諾良匪輕。  
廷議斬樊噲，群公寂無聲。  
處身孤且直，遭時坦而平。  
丈夫當如此，唯唯何足榮。

大漢昔云季，小人道遂振。  
玉帛委菴瓦，斧鑕嬰縉紳。  
邈哉郭先生，卷舒得其真。  
雍容謝朝廷，談

笑獎人倫在晦不絕俗處亂不爲親諸侯不得  
友天子不得臣冲情甄負甌重價折角巾悠悠  
天下士相送洛橋津誰知仙舟上寂寂無四  
公業負奇志交結盡才雄良田四百頃所食常  
不充一爲侍御史慷慨說何公何公何爲敗吾  
謀適不同仲穎恣殘忍廢興良在躬死人如亂  
麻天子如轉蓬干戈及黃屋荆棘生紫宮鄭生  
運其謀將以清國戎時來命不遂脫身歸山東  
凜凜千載下穆然懷清風

昔有平陵男姓朱名阿游直髮上衝冠壯氣橫  
三秋願得斬馬劍先斷佞臣頭天子玉檻折將  
軍丹血流捐生不肯拜視死其若休歸來教鄉  
里童蒙遠相求弟子數百人箴在十二州三公  
不敢吏五鹿何能酬名與日月懸義與天壤儔  
何必披執戟區區在封侯偉哉曠達士知命固  
不憂

結客少年場行

長安重遊俠洛陽富才雄玉劍浮雲騎金鞭明

月弓鬪雞過渭北走馬向關東孫賓遙見待郭  
解暗相通不受千金爵誰論萬里功將軍下天  
上虜騎入雲中烽火夜似月兵氣曉成虹橫行  
狗知己負羽遠從戎龍旌昏朔霧鳥陣捲胡風  
追奔瀚海咽戰罷陰山空歸來謝天子何如馬  
上翁

贈李榮道士

錦節銜天使瓊仙駕羽君投金翠山曲奠璧清  
江瀆圓洞開丹鼎方壇聚絳雲寶一作資 賦幽難

識空歌迴易分風搖十洲影日亂九江文敷誠  
歸上帝應詔佐明君獨有南冠客耿耿泣離羣  
遙看八會所真氣曉氤氳

早度分水嶺

丁年遊蜀道斑鬢向長安徒費周王粟空彈漢  
吏冠馬蹄穿欲盡貂裘敝一作故 轉寒層冰橫九  
折積石凌七盤重谿旣下湫峻峰亦上千隴頭  
聞戍鼓嶺外咽飛湍瑟瑟松風急蒼蒼山月圓  
傳語後來者斯路誠獨難

三月曲水宴得樽字

風煙彭澤里山水仲長園繇來棄銅墨本自重  
琴樽高情邈不嗣雅道今復存有美光時彥養  
德坐山樊門開芳杜逕室距飛花源公子黃金  
勒仙人紫氣軒長懷去城市高詠狎蘭蓀連沙  
飛白鷺孤嶼嘯玄猿日影巖前落雲花江上翻  
興闌車馬散林塘夕鳥喧

王勃和詩得煙字附

彭澤官初去河陽賦始傳田園歸舊國詩酒

間長筵列室窺丹洞分樓瞰紫煙縈回亘津  
渡出没控郊鄗鳳琴調上客龍轡儼羣仙松  
石偏宜古藤蘿不記年重簷交密樹複磴擁  
危泉抗石晞南嶺乘沙渺北川傳巖來築處  
礚礚入釣前日斜真趣遠幽思夢涼蟬

奉使益州至長安發鍾陽驛

躋險方未夷乘春聊騁望落花赴丹谷奔流下  
青嶂葳蕤曉樹滋滉瀆春江漲平川看釣侶狹  
逕聞樵唱蝶戲綠苔前鶯歌白雲上耳目多異



賞風煙有奇狀峻阻將長城高標吞巨觚聯翩  
事羈勒辛苦勞疲恙夕濟幾潺湲晨登每惆悵  
誰念復芻狗山河獨偏喪

和王奭秋夜有所思

寂寂南軒夜悠然懷所知長河落鴈苑明月下  
鯨池鳳臺有清曲此曲何人吹丹唇間玉齒妙  
響入雲涯窮巷秋風葉空庭寒露枝勞歌欲有  
和星鬢已將垂

望宅中樹有所思

我家有庭樹秋葉正離離上舞雙棲鳥中秀合  
歡枝勞思復勞望相見不相知何當共攀折歌  
笑此堂垂

宿晉安寺

聞有弦歌地穿鑿本多竒遊人試一覽臨翫果

忘疲窓橫暮捲

一作落

葉簷臥占生枝舊石開紅

蘚新荷覆綠池孤猿稍斷絕宿

一作百

鳥復參差

汎灑月華曉徘徊星鬢垂今日刪書客悽惶君  
詎知

于時春也慨然有江湖之思寄贈栢九隴  
提琴一萬里負書三十年晨攀偃蹇樹暮宿清  
泠泉翔禽鳴我側旅獸過我前無人且無事獨  
酌還獨眠遙聞彭澤宰高弄武城弦形骸寄文  
墨意氣託神仙我有壺中要題爲物外篇將以  
貽好道道遠莫致旃相思勞日夜相望阻風煙  
坐惜春華晚徒令客思懸水去東南地氣凝西  
北天關山悲蜀道花鳥憶秦川天子何時問公  
卿本亦憐自哀還自樂歸藪復歸田海屋銀爲

棟雲車電作鞭倘遇鸞將鶴誰論貂與蟬萊洲  
頻度淺飛實幾成圓寄言飛鳧鳥歲晏共聯翩  
至望喜矚目言懷貽劔外知己

聖圖夷九折神化掩三分緘愁赴蜀道題拙奉  
虞薰隱鱗度深谷遙裊上高雲碧流遞縈注青  
山互糾紛澗松咽風緒巖花濯露文思北常依  
馭圖南每喪羣世本無以上四句無繇召宣室何以答  
吾君

赤谷安禪師塔

獨坐巖之曲悠然無俗氣酌酒呈丹桂思詩贈  
白雲烟霞朝晚聚猿鳥歲時聞水華競秋色山  
翠含夕曛高談十二部細覈五千文如如數冥  
昧生生理氤氳古人有糟粕輪扁情未分且當  
事芝朮從吾所好云

贈益府裴錄事

忽忽歲云暮相望限風烟長歌欲對酒危坐遂  
停弦停弦變霜露對酒懷朋故朝看桂蟾晚夜  
聞鴻鴈度鴻鴈何時還桂晚不同攀浮雲映丹  
壑明月滿青山青山雲路深丹壑月華臨耿耿  
離憂積空令星鬢侵

贈益府羣官

一鳥自北燕飛來向西蜀單棲劔門上獨舞崑  
岷一作山足昂藏多古貌哀怨有新曲羣鳳從之  
遊問之何所欲答言寒鄉子飄飄萬餘里不識  
惡木枝不飲盜泉水常思稻梁遇願栖梧桐樹  
智者不我邀愚夫余不顧所以成獨立耿耿歲  
云暮日夕苦風霜思歸赴洛陽羽翮毛衣短關

山道路長明月流客思白雲迷故鄉誰能借風  
便一舉凌蒼蒼

幽憂子集卷之二

唐范陽盧照隣昇之著

明閩漳張燮紹和纂

七言古詩

失羣鴈 并序

溫縣明府以鴈詩垂示余以爲古之郎官出  
宰百里今之墨綬入應千官事止鴈行未宜  
傷歎至如羸臥空巖者乃可爲失羣慟耳聊  
因伏枕多暇以斯文應之

三秋北地雪皚皚，萬里南翔渡海來。欲隨石燕  
沈湘水，試逐銅烏繞帝臺。帝臺銀闕距金塘，中  
間鷓鴣已成行。先過上苑傳書信，暫下中洲戲  
稻梁。虞人負繳來相及，齊客虛弓忽見傷。毛翎  
頰頰一作顛顛飛無力，羽翮摧頰君不識。唯有莊周  
解夢鳴，復道郊歌重竒色。惆悵驚思悲未已，徘  
徊自憐中罔極。傳聞有鳥集朝陽，詎勝仙鳧邇  
帝鄉。雲間海上應鳴舞，遠得鷓鴣弦猶獨撫。金龜  
全寫中牟印，玉鵠當變萊蕪釜。願君弄影鳳皇

池時憶籠中推折羽

行路難

君不見長安城北渭橋邊，枯木橫槎臥古田。昔  
日含紅復含紫，常時畱霧亦畱煙。春景春風花  
似雪，香車玉輦恒闐咽。若個遊人一作童不競攀  
若箇娼家不來折。娼家寶祿蛟龍帔，公子銀鞍  
千萬騎。黃鶯一一向花嬌，青鳥雙雙將子戲。千  
尺長條百尺枝，月桂星榆相蔽虧。珊瑚葉上鴛  
鴦鳥，鳳凰巢裏雛鷓兒。巢傾枝折鳳歸去，條枯

葉落任風吹，一朝憔悴無人問。萬古摧殘君詎知，人生貴賤無終始。倏忽須臾難久恃，誰家能駐西山日。誰家能堰東流水。漢家陵樹滿秦川，行來行去盡哀憐。自昔公卿二千石，咸擬榮華一萬年。不見朱唇將白一作玉，貌唯聞青棘與黃泉。金貂有時須換酒，玉麈恒搖莫計錢。寄言坐客神仙署，一生一死交情處。蒼龍闕下君不留，白鶴山頭我應去。雲間海上邈難期，赤心會合在何時。但願堯年一百萬，長作巢由也不辭。

長安古意

長安大道連狹斜，青牛白馬七香車。玉輦縱橫過主第，金鞭絡繹向侯家。龍銜寶蓋承朝日，鳳吐流蘇帶晚霞。百丈遊絲爭繞樹，一羣嬌鳥共啼花。啼花戲蝶千門側，碧樹銀臺萬種色。複道交牕作合歡，雙闕連甍垂鳳翼。梁家畫閣天中起，漢帝金莖雲外直。樓前相望不相知，陌上相逢詎相識。借問吹簫向紫煙，曾經學舞度芳年。得成比目何辭死，願作鴛鴦不羨仙。比目鴛鴦

真可羨雙去雙來君不見生憎帳額繡孤鸞好  
取門簾帖雙燕雙燕雙飛繞畫梁羅幃翠被鬱  
金香片片行雲着蟬鬢纖纖初月上鴉黃鴉黃  
粉白車中出含嬌含態情非一妖童寶馬鐵連  
錢娼婦盤龍金屈膝御史府中烏夜啼廷尉門  
前雀欲棲隱隱朱城臨玉道遙遙翠幃沒金堤  
挾彈飛鷹杜陵北探丸借客渭橋西俱邀俠客  
芙蓉劍共宿娼家桃李蹊娼家日暮紫羅裙清  
歌一轉口氛氲北堂夜夜人如月南陌朝朝騎

似雲南陌北堂連北里五劇三條控三市弱柳  
青槐拂地垂佳氣紅塵暗天起漢代金吾千騎  
來翡翠屠蘇鸚鵡杯羅襦寶帶爲君解燕歌趙  
舞爲君開別有豪華稱將相轉日回天不相讓  
意氣繇來排灌夫專權判不容蕭相專權意氣  
本英雄青虹紫燕坐春一作生風自言歌舞長千  
載自謂驕奢凌五公節物風光不相待桑田碧  
海須臾改昔時金階白玉堂卽金惟見青松在  
寂寂寥寥揚子居年年歲歲一牀書獨有南山

桂花發飛來飛去襲人裾

明月引

洞庭波起兮鴻鴈翔風瑟瑟兮野蒼蒼浮雲捲  
靄明月流光荆南兮趙北碣石兮瀟湘澄清規  
於萬里照離思於千行橫桂枝於西第繞菱花  
於北堂高樓思婦飛蓋君王文姬絕域侍子他  
鄉見胡鞍之似練知漢劍之如霜試登高而騁  
極一作目莫不變而迴腸

懷仙引

若有人兮山之曲駕青虬兮乘白鹿往從之遊  
願心足披澗戶訪巖軒石瀨潺湲橫石徑松蘿  
暮歷掩松門下空濛而無鳥上巉巖而有猿懷  
飛閣度飛梁休余馬於幽谷掛余冠於夕陽曲  
復曲兮煙莊邃行復行兮天路長修途杳其未  
半飛雨忽以漉漉山坎軋磴連蹇攀石壁而無  
據泝泥谿而不前向無情之白日竊有恨於皇  
天迴行遵故道通川遍流潦迴首望羣峰白雲  
一作雪正溶溶珠爲闕兮玉爲樓青雲蓋兮紫霜



裘天長地久時相憶千齡萬代一來遊

五言律詩

劉生

劉生氣不平抱劍欲專征報恩爲豪俠死難在  
橫行翠羽裝劍刀一作鞘黃金鏤飾一作馬纓但令  
一顧重不恡百身輕

隴頭水

隴阪高無極征人一望鄉關河別去水沙塞斷  
歸腸馬繫千年樹旌懸九月霜從來共嗚咽皆  
是爲勤王

巫山高

巫山望不極，望望下朝氛。莫辨啼猿樹，徒看神女雲。驚濤亂水脈，驟雨暗峰文。霑裳卽此地，况復遠思君。

芳樹

芳樹本多奇，年華復在斯。結翠成新幄，開紅滿故枝。風歸花歷亂，日度影參差。容色朝朝落，思君君不知。

雨雪曲

虜騎三秋入，關雲萬里平。雪似胡沙暗，冰如漢月明。高闕銀爲闕，長城玉作城。節旄零落盡，天子不知名。

昭君怨

合殿恩中絕，交河使漸稀。肝腸隨玉輦，形影向金微。漢地一作宮草應綠，胡庭沙正飛。願逐三秋鴈，年年一度歸。

折楊柳

倡樓啓曙扉，楊柳正依依。鶯啼知歲隔，條變識

春歸露葉凝秋黛風花亂一作落舞衣攀折將安  
寄軍中音信稀

梅花落

梅院一作嶺花初發天山雪未開雪處疑花滿花  
邊似雪迴因風入舞袖雜粉向粧臺匈奴幾萬  
里春至不知來

關山月

寒垣通碣石虜障抵祈連相思在萬里明月正  
孤懸影移金岫北光斷玉門前寄信閨中婦時

一作愁看鴻鴈天

上之回

回中道路險蕭關烽候多五營屯北一作地萬  
乘出西河單于拜玉璽天子撥雕戈振旅汾川  
曲秋風橫大歌

紫騮馬

騮馬照金鞍轉戰入皋蘭塞門風稍急長城水  
正寒雪暗鳴珂重山頭噴玉難不辭橫絕漠流  
血幾時乾

戰城南

將軍出紫塞，冒頓在烏貪。笳喧鴈門北，陣翼龍城南。凋弓夜宛轉，鐵騎曉驂驪。應須駐白日，爲待戰方酣。

十五夜觀燈

錦里開芳宴，蘭缸豔早年。綉綵遙分地，繁光遠綴天。接漢疑星落，依樓似月懸。別有千金笑，來映九枝前。

入秦川界

隴阪長無極，蒼山望不窮。石逕縈疑斷，回流映似空。花開綠野霧，鶯囀紫巖風。春芳勿遽盡，留賞故人同。

文翁講堂

錦里淹中館，岷山稷下亭。空梁無燕雀，古壁有丹青。槐落猶疑市，苔深不辨銘。良哉二千石，江漢表遺靈。

相如琴臺

聞有雍容地，千年無四隣。園院風煙古，池臺松

櫛春雲疑作賦客月似聽琴人寂寂啼鶯處空  
傷遊子神

石鏡寺

古墓芙蓉塔神銘松栢煙鸞沈仙鏡底花沒梵  
輪前鉢衣千古佛寶月兩重懸隱隱香臺夜鐘  
聲徹九天

辛法司宅觀妓

南國佳人至北堂羅薦開長裙隨風管促柱送  
鸞杯雲光身後落雪態掌中迴到愁金谷晚不

怪玉山頽

春晚山莊率題二首

顧步三春晚田園四望通遊絲橫卷樹戲蝶亂  
依叢竹懶偏宜水花狂不待風唯餘詩酒意當  
了一生中

田家無四隣獨坐一園春鶯啼非選樹魚戲不  
驚綸山水彈琴盡風花酌酒頻年華已可樂高  
興復畱人

江中望月

江水向涔陽澄澄寫月光鏡圓珠溜澈弦滿箭  
波長沈鈎搖兔影浮桂動丹芳延照相思久千  
里共霑裳

元日述懷

筮仕無中秩歸畊有外臣人歌小歲酒花舞大  
唐春草色迷三徑風光動四隣願得長如此年  
年物候新

益州城西張超亭觀妓

落日明歌席行雲逐舞人江前飛暮雨梁上下

輕塵冶服看疑畫妝樓望似春高車勿遽返長  
袖欲相親

還京贈別

風月清江夜山水白雲朝萬里同爲客三秋契  
不凋戲鳧分斷角歸騎別高標一去仙橋道還  
望錦城遙

至陳倉曉晴望京邑

拂曙驅飛傳初晴帶曉涼霧斂長安樹雲歸仙  
帝鄉澗流漂素沫巘景靄朱光今朝好風色延

瞰極天莊

晚渡滹沱敬贈魏大

津谷朝行遠，冰川夕望曛。  
霞明深淺浪，風卷去來雲。  
澄波泛月影，激浪聚沙文。  
誰恐仙舟上，携手獨思君。

和吳侍御被使燕然

春歸龍塞北，騎指鴈門垂。  
胡笳折楊柳，漢使採燕支。  
戍城聊一望，花雪幾參差。  
關山有新曲，應向笛中吹。

七夕泛舟二首

河葭肅徂暑，江樹起初涼。  
水疑通織室，舟似泛仙潢。  
連橈渡急響，鳴棹下浮光。  
日晚菱歌唱，風烟滿夕陽。

風杼秋期至，鳧舟野望開。  
微吟翠塘側，延想白雲隈。  
石似支機罷，槎疑犯宿來。  
天潢殊漫漫，日暮獨悠哉。

送梓州高參軍還京

京落風塵遠，褒斜煙霧深。  
北遊君似智，南飛我

異禽別路琴聲斷秋山猿鳥吟一垂青巘酌空  
佇白雲心

大劔送別劉右史

金碧禺山遠關梁蜀道難相逢屬晚歲相送動  
征鞍地咽綿川冷雲凝劔閣寒倘遇忠孝所爲  
道憶長安



